



Inersimasunut ADHD-qartunut Nuna Tamakkerlugu inunnik innarluutilinnik Pissassarfimmi naapeqatigiissitsinissamut peqataanissamut neqeroorut.

Sammissaq: Inersimasut ADHDqartut
Piffissami: Sap. Ak. 42. Ulluni: 16.- 17.- 18. Oktoberi 2024
Sumiiffissaq: Pissassarfik Sisimiut
Peqataasinnaasut: 20
Sullinniakkat: Inuit innarluutillit naapeqatigiissinneqarnissaat nuna tamakkerlugu neqeroorutaavoq, ukiarneranilu Inersimasut ADHD-qartunut neqeroorutaavoq.

Qinnuteqarfissaq: **Kingusinnerpaamik 01. Septembari 2024**
Mailerfissaq: pissassarfik@nanoq.gl
Naapeqatigiinneq: **Kalaallisut ingerlanneqassaaq**

Nassuiaat:

ADHD-qarluni inersimasunngoreerluni ulluinnaat inuuniarnerlu assigiinngitsutigut sunnerneqartarpoq, imminullu paasilluarnissaq; minnerunngitsumillu avatangiisinit paasineqarnissaq pingaaruteqarpoq. Ilaatigut makku ilisimatuussutsikkut misilittakkatigullu ilisimasat sammineqassapput:

ADHD-qarluni inersimasunngoreerluni qanoq inissisimanarpa?

Paasiaarsimagaanni paasiaarsimannigikkaannilu suunuku sunniutaasartut?

ADHD qaratsatsinni sunaava, suut sunniutaappat?

ADHD nammineq atugaralugu qanoq ippa?

Saniatigut sammineqassapput ADHD inuiaqatigiinni isornartorsiuisumik isiginnineq, apeqqutissaasinnaasut isiginnittariaatsillu allat matussuserlugit. Minnerunngitsumillu ADHD-qarluni inersimasunut sakkussat eqqartorneqassapput.

Naapeqatigiissitsineq Niina Petersen Isaksen Tarnip pissusaanik immikkut ilisimasalik / psykologi suleqatigalugu ingerlanneqassaaq.

Naapeqatigiissitsineq saqqummiineqarlunilu oqallinneqartussaammat peqataasussat ulluinnarni eqqarsartaatsikkut timikkullu nammineersinnaanerannik piunasaqaataavoq.

Naapeqatigiissitsinermilu ulloq kingulleq ataatsimut nereqatigittoqassaaq.

Qinnuteqarneq:

Peqataanissamut qinnuteqarniaraanni kakkiussaq immersorneqassaaq.

Angalaneq aningaasartuutillu:

Illoqarfimmit allamit peqataasussat naapeqatigiinnissap allartiffissaa ullormik sioqqullugu tikissapput, naapeqatigiissitsinerlu naammassippat aqaguani aallaqqillutik.

Taamaakkaluortoq angalatitsivinnit ullut angallavissat apeqqutaallutik tikiffissat aallarfiassallu allaanerussaapput.

Najukkamiit Sisimiunut uterlugulu bilitsi, naapisitsinermilu ineqarneq nerisaqarnerlu Pissassarfimmit akilerneqassapput.

Angalanermi aningaasartuutit ass. taxarneq ullormusiallu Pissassarfimmut attuumassuteqanngillat.

Malugeqquneqarpoq bilitsit akikinnerpaat allanngortinneqarsinnaanngitsut atorneqarumaarmata. Peqataasussat, bilitsit inniminnerneqareersut akuerineqareernerisa kingorna taamaatiinnartut allannuiniarnerannulluunniit aningaasartuutaasinnaasut namminneq nammattariaqassavaat.

Apeqqutissaqarnermi attavissat: pissassarfik@nanoq.gl imal. oqaras. 34 50 70.